

小倉山房詩集

小倉山房詩集卷三十五 乙卯

錢塘袁枚子才

福敬齋孫補山兩相國和希齋大司空惠瑤圃制

府同征西藏軍中各寄見懷之作賦詩答謝公孫

詩及答謝詩已刻  
集中故不再錄

答敬齋公相

聖世韋平兩代賢瑤華來自大西天百僚誰敢奔趨後  
一士偏蒙淑問先塞上風雲搖彩筆山中熏沐展長箋  
梅花香裏千回韻繞屋光生五色煙

弱冠終軍早請纓旌旗所到將星明崆峒挂劍碑留字

蠻海班師浪洗兵招引降王朝 紫闕領安南國平反王入朝

小倉山房

卷三十五

冤獄活蒼生

廣東黃養水一案

卿雲直把山河覆豈止朝朝捧

日行

履曳星辰下殿遲黃銀腰帶好威儀千金有賞如揮土  
萬馬無聲聽咏詩已作鹽梅調鼎鼐更懸冰鏡照茅茨  
箕山頽水巢由事都被準夔一笑知

記識先公

玉殿旁非常矜寵夢難忘掃門未得瞻麟

角芳訊猶通及雁行

謂我齋諸公

半世因緣誰介紹一門天

性愛文章莫莫笑侯嬴老留與他生願轉長

附來詩

非來札

余自東髮時節耳隨闈名知爲當代作者而南北  
推聯不得一見心轍向往甲辰春扈從金陵思一

訪隨園適奉 命他往遂不果今又將十年矣向  
見隨園詩話新齊諧二書雖遊戲之筆而標新領  
異已遠勝滄浪虞初諸書攜之行篋把玩不置茲  
來衛藏軍事之暇適補山相國瑤圃制軍咸其朝  
夕談次時及隨園和希齋大司空攜有小倉山房  
全集因得讀之才氣浩瀚茫無津涯快爲目所未  
覩余于役萬里征討絕域出青海而眄碣石登昆  
侖以睇星宿復過衛藏以西數千里歷古未通中  
國之地殊形詭狀不可臆度惟隨園之才庶幾仿  
彿似之竊以余髫年侍直 禁廷不及讀中秘書  
遊歷幾遍天下所過名山大川竟未能著所聞見

形之詠歌讀隨園之詩乃不禁怦然動也聞補山  
相國適有札覆附寄四律亦以見傾倒之有素爾  
獨開生面領騷壇萬首詩成墨未乾傳世何須一品  
集買山肯戀十年官諸天歡喜隨緣住泛宅煙波着  
意看會是六朝金粉地此中容得老袁安

敢誇旗鼓兩家軍蹤跡原如岐路分客過元亭常載  
酒我從東野願爲雲聰明自占無雙福翰墨先收第  
一勲知否有人三藏地把君詩卷佛香薰

曾識先人紫閣中披襟玉殿對和風士逢知己心

難忘詠善言情讀忍終集中有先文忠公  
難詩四首君早歸田真

作達余慚專閫又從戎雁行亦有相知雅獨恨神交

路未通

我齋侍衛二兄  
曾有投贈之作

五嶽游成杖復摺壯懷仍似少年時赤城天半標霞

綺

隨園近作天  
台雁蕩之游

粵嶠春深擘荔枝

數年前聞  
啖荔枝南

跌盪未

教閒蛄履逢迎到處識霜髭小倉山畔梅如海踏雪

還將與鶴期

### 答和希齋大司空

星象三台動雲箋萬里來居高偏下士爲國自憐才五  
字長城重千秋隻眼開江淹斑管禿何以報瓊瑰

少小問詩禮通侯卽冠軍鸞弓朱落雁健筆李摩雲罷  
獵隨拈韻安邊更策勲擎天兼捧日兄弟各平分

忘却天人貴甘居弟子行長途憐老馬古劍識干將招

隱心何切搗謙道愈光平生知己感東海水難量  
地位雲泥隔精神夢寐通光分青海月遠照白頭翁西  
笑儂無分南來日望公定知唐節度卽是漢司空

附來詩

并小札

隨園先生爲當代龍門余耳其名無由一見得小  
倉山房詩集讀而愛之攜置行篋日夕玩誦不輟  
得詩二首以誌服膺

不信紅塵裏神仙攜眷居曠觀百歲事大隱六朝墟

天女皆從學

聞多女弟子

梅花伴讀書

隨園有梅七百株

世間饒

熱客應亦薄金魚

數卷倉山集先生道性靈錦心羅萬象妙手運無形

侯合依前席彭應侍後庭因緣知有日天不墮文星

予向慕有年自合在弟子之列今先生年登  
大耋神明無異少壯竊幸領教正有日也

答瑤圃中丞

聞昔裴令公金甲受降時念及香山與軍中常寄詩我  
公鎮西域笳鼓連天響亦復懷隨園秋水蒹葭想先和  
生挽詩再和告存作愛之欲其生高歌相延祝我如深  
秋草含霜翻得露公如佛國雲萬里相遮護有緣公漸  
近移旌來漢陽中有紅鯉魚銜書可寄將相思渺無極  
相見知何日黃鶴樓雖高借鶴騎不得安得吹公來江  
右擁八鸞鳳鳴野鳥答一笑三千秋

附來詩

并札



余與隨閣先生向有唱酬之作實則宦轍東西未  
展嘉覲也壬子臘尾余因凱旋駐前藏從補山相  
國處讀其除夕告存詩七首若嘲若解較淵明自  
挽尤爲作達古人云相由心生從此知術士之說  
不足憑而先生歡傲江湖洊登上壽余益竊幸奉  
教之有日也爰次其韻以廣先生之意並博嗚噉  
焉

除夕人家百事忙先生讀易辨陰陽待他漏盡無消  
息一笑濃薰五木湯

紅男綠女共相扶酒勸屠蘇倒玉壺浩劫已隨殘臘  
去倩誰一寫再生圖

休恨斜陽近暮天柳枝雖老任吹綿從茲避得黃楊  
厄此後光陰不計年

豈緣姹女大丹成神鼎居然煉七明我爲白頭添一  
笑冥官勾牒不教行

探春常泛青溪水選勝還游白下山竹杖芒屨隨處  
好風吹不到鬼門關

相推生死豈背靈此夜空教坐到明忘却點蒼山舊  
路闌羅原不管猿精

物外逍遙任舉頭恒河沙數記添籌天公留得文星  
在長管風騷不管愁

錢

百物皆可愛惟錢最寡趣生時招不來死時帶不去

蒙瑤華主人寄贈二律恭答四章

九霄咳唾落煙霞氣湧祥雲筆吐花宗子久欽龍鳳質  
仙才多出帝王家汝陽眉宇天人異蕭統文章錦帶  
夸瀟灑早志金紫貴花牋書款署瑤華

禮士親賢萬口傳一朝芳詵到林泉能兼三絕詩書畫  
聽喚千聲儒佛仙道合何須煩介紹神交原不隔人天  
舉頭便見梁園月何日抽豪命仲宣

記從弱冠試明光甲子推排六十霜白髮尙存唐進士

彤廷及見楚元王

已未批選進士誠親王與和親王並坐

鄒枚接席知誰

在雞犬還山壽轉長多謝天孫貽玉尺萬人如海教

橫量主人賜玉  
界尺一條

東筍詩箋墨未消

蒙寄詩三十餘首

空山三月似聞韶周南已

當王風讀韓孟還將險韻挑

見昭詩用乖埋等韻

賢比河間多著

作勞非姬旦更逍遙野人瓦奏匏宣曲敢和鈞天碧玉

簫

附來詩 并序

倉山太史寄隨園詩話見示奉答二首子與太史  
曾未謀面而數十年來耳熟先生之名者竟歲月  
相集神交既久寓懷于言

臘風吹玉到軒階  
半世知名悵暗乖  
近代徵明堪伯仲  
古人方朔有詼諧  
我慙鷄鶩同登俎  
君自蛟龍早

入懷五十年來林壑興想應靈藥井中埋

漢廷梅福晉陶潛隱逸神仙那得兼澹泊寧貪鐘鼎  
貴踈狂不惹宰官嫌汝南月旦時開帳白下雲峯盡  
入奩消息春風憑社燕年年芳草對銀蟾

寄懷阿雨總轉運

福星一路頌鮮于儒者經綸自有餘飲水不糜度支費  
隨身祇有讀殘書張筵東閣花開後待鶴桐陰月上初

公有桐陰待鶴圖命題

嘗罷鹽池心轉淡他年調鼎更何如

千里神交未識荆龍門初謁倍心傾幾回握手忘車笠

一樣論詩重性情安放仙舟迎蠟屐

公命坐船在湖上伺候

平分

清俸送歸旌回頭尚戀蘇隄月只覺公來色更明

相國嵇文恭公輓詞

黃扉人去白雲鄉青史哀榮寫未央 帝把重臣呼老

伴公移生日避 君王 公改生日在 聖壽之後 皇孫拜奠 天

家酒中使傳宣 諭祭章千里銘旌官護送江流不及

主恩長

瀛洲仙客盡趨門 公兼掌 院學士 重宴瓊林又四春正色立

朝風度好求賢若渴性情真漢廷久缺三公座秦誓終

思一个臣 公薨大舉士缺 半年尚未有人 試夾金甌掄指算 先皇耆

舊有何人

七齡公子貌妍華 受茲侍講 小字嘉官 招我傳經設絳紗通榜心

勞梁補闕逢人口說賈長沙退 朝陪喫先生饌 公特 直南

書房日映歸  
來無時曉勝

賜宴分簪

上苑花記噉金蓮歸娶日牙

牌還借相公家

公亦詞林歸娶有奉  
古完烟牌借借之

中年賤子賦南陔公亦思親乞假回兩處萱幃齊繞膝

幾番賓主又銜杯山塘一別黃墟遠

二十年前與  
公虎邱作別華表

千年白鶴哀寄問九原隨武子何時叔向也歸來

謝鏡詩

并序

余有鏡癖家藏古銅珠璣三十餘種每一張燈

熒煌炫赫自以為豪矣今年浙江方伯張松園

先生投其所嗜以大洋鏡相貽如月到中天羣

星盡避喜作一詞奉謝方伯

平生性愛金鏡朗三才萬象都成兩只愁量狹物難容

未免太邱道不廣張公槃槃海樣才水精菩薩空中來  
親喚波斯造大鏡神光閃爍金銀臺月宮八萬四千戶  
頃刻吳剛斧鑿開共高八尺橫六尺海水飛來堂上立  
身橫九畝可傳真光照諸天如沃雪我來摩挲拜下風  
一時兩個隨園翁主人大笑脫手贈教他二叟時相逢  
峩峩巨觴千夫扛讓鏡高臥占上艙我如侍者蹲其旁  
揚子江心夜有光毒龍水怪齊遁藏入城先怕前途隘  
困了高啓柴門待果然雲母好屏風現出玻璃真世界  
三千書卷斗然加十二金釵掠髻鴉對面青山齊弄影  
升堂白鶴悞銜花客來多怪先生巧海市蜃樓帶到家  
老幼欣欣恨見遲賓朋簇簇共題詩鏡無招引花偏入



我有樓臺鏡盡知，風不能搖雲不掩。  
看照兒孫到幾時，千金難買奇珍供。  
遠近多傳顯者送，但覺花開四壁榮。  
誰知鰲戴三山重，秦宮古製久聞名。  
我道西洋鏡更精，照到衰翁心膽上。  
感恩兩字最分明。

題阿雨牕轉運秋林待鶴圖

先生妙德清于雪，人不能知鶴能識。  
高軒乘罷坐秋林，待鶴歸時如待客。  
鶴若自矜身分高，欲來不來蹲松梢。  
高鳴一聲震九華，洞天髣髴吹笙簫。  
先生唵詩答鶴語，揮毫頃刻珠璣吐。  
一池墨水硯頭流，萬朵白雲山上舞。  
我亦婆娑鶴髮翁，年來雙翅久矚矚。  
感公相待殷勤意，千里飛來拜下風。

答張船山太史寄懷卽仿其體

我昔弱冠游幽燕于今五十有九年金蘭筭上三十客

回頭一顧如飛煙忽然洪太史雅存誇我得奇士西川

張船山欒欒大才子我因猛記當年車笠盟中有思曼

年最輕得毋與渠有瓜葛寄聲相問心怵怵蒙君答書

禮甚恭道是尊人太守公我如吳通晉路得狐庸又似

宋家掘井忽得翁始知文字因緣勝香火不然兩家天

南地北何由逢太守聞之喜動色萬里馳書道相憶更

問當年趙世家可憐蕭瑟無從說謂趙學齊總憲父子船山養志

求親悅勸儂遠踏我眉雪我道君言亦自佳無如老身

衰矣精力差星飯水宿愁天涯只望君持旌節江南走

定遣花輿迎太守我當左扶筇右執酒遠迎故人到江  
口故人見必驚且狂縱談十日猶未央南山風吹已作  
地東海沙湧都栽桑古強勸喫莫筍舜孟岐摩足扶成  
王此雖荒言杳渺無足據後生聽者亦覺奇古非荒唐  
但怕武夷君高唱人間可哀曲我願太守來同爲劉阮  
相徵遂我三到天台但喫胡麻飯便回桃花笑我非仙  
才倘得鬆年好友結伴去或據華頂或登瓊臺定有羣  
仙招手相追陪不許兩家兒子高揚零丁來尋覓直待  
七世以後幡幡二叟各攜玉女同歸來

附來詩

公八十我三十前世已堪稱父執我庚戌公己未二

十三科前後輩人海何茫茫望公如隔世因緣畢竟  
緣文字忽在隨園一紙書纏綿五十年前事五十年  
前事可知先生不恨我生遲似將戲語分明寄曾見  
而翁年少時老親七十顏皤然識公應在庚申前倉  
山花柳船山月兩地而今鬢如雪大江南劍門北天  
涯聚散無消息何意兒童數首詩重聯音問如疇昔  
家書昨夜到都城老親問訊心怦怦喜極翻成譽兒  
癖敢憑驛使呈先生先生展牘疑今古定對長江欲  
飛舞我願先生興發不可收飄然竟作凌雲遊手弄  
桃枝竹足濯滌江流老親扶杖迎仙舟白頭對酌麻  
姑酒鬢髯神仙入世同攜手使我西南士女譜作傳

奇傳不朽

貴人出巡歌

一龍上天百蛟舞狐假虎威威勝虎龍虎無心欲害人  
此輩獐獍爭攫取婢下有婢號重儻奴外有奴難悉數  
投鼠忌器隱忍多積習成風人世苦君不見霍家奴欲  
躡御史門御史跪奴乞奴恩又不見爾朱僕主人敝衣  
僕華服輿夫兩臂金釧雙身坐高車人側目蜀中男子  
張君嗣受人送迎疲欲死人自敬丞相與張無與耳趙  
儼偶然問服散頃刻藥物堆如山方知言語正不易捕  
風捉影生波瀾古來豪貴皆如此此弊于今尤甚矣門  
外已費千黃金門內未飲一杯水我戒貴人慎出巡重

門洞開休養尊先能察下才安民不然懸魚瘞鹿徒作  
僞一琴一鶴能汚人

重陽

重陽時節雨昏昏座上黃花笑欲言莫道催租無吏到  
恐催詩債要敲門

哭錢籜石先生

有序

先生名載字坤一嘉興人乾隆丙辰與余同舉

鴻博 召試 保和殿壬申入翰林官至禮部

侍郎 予告還家得風痺之疾年八十七而薨

詞科同日賦長楊甲子迢迢六十霜陶令山中琴早挂

緇詵殿上桂初芳屢操文柄無遺彥

兩次典試江南

曾祭堯陵

有奏章

有辨堯陵奏疏

四十二人徵士頌伯恭此日倍神傷

前歲扁舟訪病身病中能坐板輿迎

公在家二婢扛轎見客

雖枯

半體神猶旺聽說

三朝語更清豈料別來成永訣但

留詩在卽長生臨風一奠君知否彼此都應老淚傾

### 題祝芷堂給練接葉亭圖

記會接葉亭中住

丁巳秋余試鴻詞報罷爲傲罔先生權記室事得居此亭

彈指於

今六十霜倘學麻姑管閒事定談人世幾滄桑

一卷丹青乍捲開依然當日好樓臺分明玉洞桃花發

又許漁郎到一回

多少名流在卷中珍珠密字墨猶濃與儂大半有瓜葛

恍忽靈山會上逢

園林到底仗人傳少宰宮詹兩謫仙添個吾鄉真御史

勝他後漢有三賢

兩謫仙湯右曾少宰張鵬翀官詹

秋非不暖也而草木依然黃落

秋宵如此煖落葉一般飛想見衰翁健終非善者機黃  
花香色好白髮故人稀笑問倉山鶴他年歸不歸

重陽苦熱

炎官張繖宴重陽客怕登高汗似漿只有孟嘉秋興好  
風前落帽不知涼

麗川中丞五十壽詩

并序

壽詩非古也古之人隨時可以爲壽詩所稱介  
壽史書所稱爲某壽者俱不指生日而言今之



人以生日爲壽隔十年而一大慶必有詩文申其頌揚其中有公焉有私焉公者其人之德之才克副所稱如歐公之畫錦堂記是也其私者各有恩知不得不以文報德如高僧智之于高令公是也有公無私則鋪叙陳迹尊而不親有私無公則但可作一家言而不可以供衆覽其他敷衍酬應者更無譏焉枚之以詩壽歷川中丞也其在公與私之間乎枚受公知從皖江始聞人稱公之賢亦從皖江始未幾公遷粵西矣枚到粵西聞賢公者如在皖江也未幾公遷蘇州矣枚到蘇州聞賢公者如在粵西也未幾

公以方伯遷廵撫矣枚在金陵聞賢公者如作  
方伯時也公如明月在天南北東西照臨如一  
而枚恰如微星螢火往往附月而飛公之賢久  
而不變枚之受知則久而愈深初以文字相契  
繼以縞紵相貽繼而觀過知仁再繼而略形骸  
忘貴賤衣公之衣服公之榻坐公之舟或千里  
相迎或數旬留宿其神交意合光景旁觀者不  
知其所以然公與枚亦不知其所以然惟其不  
必然而竟然無所爲而爲之是以天合非以人  
合也古之英雄愛其人者至于鑄金鑄像報其  
人者至于摩頂捐軀大率類是哉今當公五十

生辰一時士大夫祝釐者道枚必有詩枚自問  
常有詩卽公亦未必不料枚之必有詩也然而  
枚衰矣才盡氣索何能操禿管美盛德之形容  
况寂處空山久不與人間事凡公尊主隆民  
之勲業無從探聽而張皇之只可就其所見者  
所聞者所身受者學崧高之頌申伯闕宮之祝  
魯侯韻其詞以獻所以數止于九者亦古人九  
如稱祝之義也

兩江何處不思波

公本皖江布政

五十中丞鬢未皤鄧尉剛飛

千尺雪吳娘齊唱百年歌生逢冬日人原愛開到梅花

壽正多我欲借詩當圖畫將公丰采一揣摩

起居八座貴全忘自製書生印一方

公鐫私印書生本色

官有廉

明皆特薦獄無冤抑不平章心清豈受鹽池染

兩署鹽政不受

陋規後事發公爲無染

才大能將海水量

勘定黑水洋界址

聽說東征諸

戰士至今挾纊尙盈箱

王師征臺灣時值臘月公賜士卒棉衣三千

盡撤關防罷采風一生心在水精宮

署內盡蘇州人聽其出入

鏡懸

佛座請天照月到層霄萬象空片語詼諧皆妙諦良方

小試亦神通

公精醫理

請看絕世聰明處置屐安臆總不同

書總置曲柄葫蘆以出煙氣

月榭風廊曲徑開華堂新構小蓬萊纔聽官鼓參衙畢

又弄詩牌喚筆來奴入蕭家都愛士

家人夏慶徐祿等俱雅

賓登

孫閣半仙才

內幕尤二瑛盧湘槎林蓮峯皆詩人

公餘更試拏雲手一箭

穿楊酒一杯

兩詣黃堂泣馮豹

蘇州賢守馮異泉病危公兩次泣臨

旁觀齊下淚盈盈

侯生殘稿關心護

侯松漁幕友

孫宰遺孤倒屣迎

孫春臺大中丞大

抵英雄俱念舊斷無菩薩不多情賓朋風義敦如許何

况 恩知答 聖明

更喜名賢聚一家高陽里第儘堪誇郎君姸雅非統袴

公子在長安小市見枚三

年前手書詩冊即買送公處命婦慈悲是釋迦眉掃姬

姜來問字

公有觀玉姬畫眉詩

風吹旌節盡生花門庭雍肅經書

滿不數南陽鄧仲華

義父 貽封 特肯頒登時佳話遍長安希文復姓歸

宗易趙武酬恩繼絕難

封公生中丞時哀老友塞公無兒即抱與之及長將赴試填履

歷索公不肯欺君仍遣公歸公感撫青恩官巡撫後  
奏請地封以次子廣嗣嗣養父爲孫上俱嘉允  
一點丹心陳帝座兩家紫誥下雲端高風古誼千  
秋少應作三賢合傳看

十年小草覆卿雲每接清談輒夜分千里仙舟迎郭泰  
來往蘇杭公幾番絃管醉司勳探知食性將厨訓代掃  
以坐船迎送秋蚊把帳熏公聞收欲往親爲如此憐才真絕代古來

青史少傳聞

鰥生也屆杖朝期額手雲天有所思百歲擁旄應更健  
十年作相莫嫌遲長江路遠難擊爵知已恩深易措辭  
寄語金閨女公子加簽添誦祝翁詩到公書齋見小倉  
簽初頗愕然後問家人方知公簽出課左家嬌女也

書香巖詩後

長繩難繫日西沈，尺璧誰能買寸陰。  
病後知饑身始健，詩成能悔學才深。  
暫時染指休言味，鎮日淘沙自得金。  
寄語聰明好年少，古人甘苦細追尋。

筆不老

賦詩如開花開多花必少，況我八旬人神思久枯槁。  
可奈索詩人終朝猶別，別明知未死蠶抽絲終不了。  
勉強與支吾自慙真草草，何圖良朋來公然齊道好。  
吾斯之未信姑且存其稿，或者五體盡頽唐只有一枝筆不老。

左蘭城銀河洗筆圖

左思賦三都留下一枝筆，傳家二千年他人不敢竊。  
奇

孫蘭城美少年刻刻詩狂欲上天尙嫌筆舊色不鮮前  
身原是漢張騫可以乘槎握管直到銀河邊銀河波濤  
正浩瀚慣洗壯士甲兵三百萬忽然文人來洗筆烏鵲  
牽牛爭欲看君身高立蓬山窪辛勤洗筆如漚麻不許  
宿墨留些些直將陳言死句諸毛都伐盡只剩江淹手  
上燦爛千枝花歸來游吳門得詩若干首更賦七言律  
爲我介眉壽我乍讀之心驚猜何處得此真仙才今朝  
披此圖奮然笑口開方知郎君含金吐石諸佳句都在  
織女機邊長跪乞得來

君與佩香女士  
常倡和故調之

再寄和希齋尙書

有序

運河司馬黃小松錄司空與渠札見示云袁簡



齋 盛世才人琳久思立雪客中攜小倉山房  
詩稿朝夕諷誦虔等梵經如親丰采云云余讀  
之感深次骨且知前寄答詩尚未收到而公已  
總督四川故呈二章兼以墨寄

東河司馬寄郇雲讀罷袁絲淚滿巾大漠風沙方報  
國小倉詩卷總隨身山中樹老開花少海上琴遙聽曲  
真從古名臣雖愛士自甘立雪有何人

西川開府駐旌旗早有威名絕域知諸葛功成籌筆  
巖公酒置浣花池民扶老弱爭迎佛天與江山好賦詩  
謹獻隄廩錫姓氏也如躬侍染毫時

製擢三十螺  
寄作芹獻

題尙書西招雜咏詩後

幾行珠玉咏西招一卷新詩卽六韜自有輕裘羊叔子  
不問鏖戰霍嫖姚甲兵那用天河洗烽火都從墨浪消  
更喜臯夔好吟伴同登雪嶺奏鈞韶

謂補山敬齋兩  
相國瑤圖中丞

香亭家居八年忽將赴闕臨行畫煙雲供養畫索

題

一山雲氣半山煙供養人間陸地仙莫把阿連貧相也  
也曾消受幾多年

忽負初心馬又馱回頭其奈畫圖何煙雲倘作分家物  
慚愧賢兒占得多

八旬別弟倍綢繆唱到驪歌便惹愁但陟高岡休悵望  
雲中知有此翁不

章觀察挂車山丙舍圖

挂車山脈分龍眠層崖複嶂何蟬嫣天爲孝子藏吉兆  
靈氣蟠結三千年章公素曉青烏術苦爲慈親謀丙穴  
一見佳城心了然不須別向山靈乞輿機下窆莫幽宮  
負土親將馬鬣封百頃祭田交野衲千株宰樹護春風  
自從綽擗瀧岡表璠祭歸來心悄悄不能膝下手扶娘  
知道墳前誰拔草畫師替寫好雲山當作丁蘭刻木看  
但使公餘時展卷恍如拜掃勸加餐扶筇似是含愁立  
樹影扶踈煙霧歷九原知否畫圖中長有白頭兒侍側  
老我龍鍾八十身披圖不覺淚沾巾家離先隴雖然近  
終愧當年廬墓人

兩親墳離  
厠半里

題朱欄東湖山草堂

花滿庭前竹滿崖此中合住謫仙才  
一湖浪白風初起七十二峯吹欲來

安放龍威一卷經天然圖畫付丹青  
勸君吟句須珍重防有魚龍聽外聽

今春我作洞庭遊小住怱怱返客舟  
可惜幽人居未訪空餘清夢繞汀洲

寄懷前杭州太守明希哲先生

有序

先生守杭時余以民禮修謁先生一見如舊相  
識卽命悟桐袖香二姬受業門下皆國色也次  
日女弟子會詩湖樓先生代爲治具旋來請覲

温語移時乃騎馬歸以所坐玻璃畫船爲諸閨  
秀遊山之需少頃使者僭僭然贊盛禮來分餉  
羣仙一時傳頌此舉爲前賢白蘇二公所未有  
也後一年先生解組還都余心不能忘賦詩寄  
之 先生名保滿洲人

昔公五馬杭州駐士女謳歌盈道路山人兩度故鄉游  
未敢通名謁白傅前年訪友到官齋公竟歡迎早下階  
才學超元义手拊便招宏景上樓來四株瓊樹當牕立  
艷比芙蓉清比雪就中兩個女相如學字彈琴年二七  
主人知我意相傾伏勝剛來好授經教看美女簪花格  
教聽平沙落雁聲一樣寧裙齊下拜雙聲同日喚先生

我出黃堂公低語先生詩社何時舉可許靈籟匏匱間  
雲外飛來許玉斧我道公班南國春天桃穠李盡沾恩  
儘可寶雲歌一曲武夷君下見曾孫詰朝小作雲仙會

果然鉦響來旌旆款款都將姓氏詢娟娟各把門楣對

始知班蔡本名家愈信姬姜勝蕉萃

詩會中相公徐文穆公女孫錢典沙

方伯女孫泉使二女俱在焉公去騰身跨紫騮餘情回首尙勾留讓

出畫船張綺席好供彩伴作春游佳人打槳俱欣躍吟

詩苦換看山樂野寺分簪姊妹花 行宮同上梳粧閣

夕陽游罷各歸家厚貺頒來更拜嘉如意八枝雕碧玉

綺羅十疋爛朝霞金闔分送加珍重隣嫗窺觀皆色動

買繡爭將太守描停針擬作甘棠頌一時佳話遍家鄉

管領湖山望正長誰料袁絲歸白下倏驚李泌去錢塘  
近聞微罪全超雪偷得閒身弄風月公自東山起有期  
儂來西笑知無日冉冉韶光歲月徂一場春夢落西湖  
不知此叟類唐態尙有雲鬟記得無

除夕戲作

五旬有九逢除夕生怕雞鳴人六十七旬有九八十逢  
雞不肯鳴心忡忡祇因自作八十詩見彈思鳴太豫支  
有如秀才自認元魁者榜發無名空惹嗤今宵事急矣  
求雞早開口一聲膠膠一歲增我便把詩好出手豈徒  
從此秋騰加常珍兼可公然扶杖朝中走

除夕前一日蒙東浦方伯餽米酒等物

歲暮柴門掩綠苔是誰剝啄鳥聲猶驚傳養老珍羞至  
恍似陽春頃刻回仁果先供家廟祭芳樽剛賞蠟梅開  
關心更感蕭夫子奴不憚才不遺來使者程鵬工詩有  
所稿非筆墨不受  
必遺渠至公存問隨爾



小倉山房詩集卷三十六

乙卯

錢塘袁枚子才

元旦

爆竹隣家響未終，開門賀客已匆匆。  
天晴好着黃綿襖，奴老都成白髮翁。  
千樹梅花迎我笑，三朝文獻有誰同。  
諸公莫羨衰顏好，昨飲屠蘇臉尚紅。

香亭家居八年年，逾六十依然赴都候。  
補作詩送之。

兄弟幡幡兩鬢霜，新年攜手上河梁。  
阿連別我休垂泪，尙有來生別不妨。

知君心也戀烟雲，庚癸頻呼耳怕聞。  
半世黃金擲虛耗。

悞人端是孟嘗君

全官借去者  
六萬餘金

鄉住溫柔奈老何

弟詩

伯輿天性患情多  
腰纏此後應

珍重莫負丁娘十索歌

丁娘問弟不  
仕垂泣三日

茫茫宦海渺無涯  
就有神僊不敢猜  
但願善人天默佑  
神光仍照管寧回

讀論語有感

天下歸仁理自超  
誰知此柄也難撿  
諸侯圭幣爭相聘  
一個桓魋手握刀

公西東帶登朝日  
點也嬉遊沂水天  
同在聖門心事別  
至今瑟響尚鏗然

邗江雅集詩

有序

野叟山居忽作揚州之夢春江水漲遂控白下之  
舟纜繫隋隄花迎阮屐則有臺使香泉先生早登  
僊掖之班出視淮南之漕幸相逢而握手蒙在顧  
以移尊扶輦門生我搗雕武當筵歌者君愛何哉  
坐忘春夜之寒少男風聚人奪燈花之艷玉樹枝  
聯當金迷紙醉之餘爲換羽移宮之舉一則才稱  
狂簡願依謝傅門墻一則歌帶書聲堪作袁絲弟  
子深深下拜兩兩傾衿折柬以叙同門聽呼小友  
升堂而問奇字互喚先生更喜江左王珣朝歌吳  
質牽雲曳雪聯襜倚裳或贊禮以通名各交懽而  
盡意昔人西園之集南皮之遊其克具此豪情方

茲韻事也哉僕方來跨鶴旋去揚帆識歐九之風  
流忍向龍門而揖別忘江淹之才盡命操禿管以  
成文記就一篇詩成三盞此日平山堂下齊聽佳  
話之傳何年翠玉峯頭再續雲僊之會

華筵移置阿咸居

蒙移尊家  
致華寓中

一朵瓊花載後車絕好齊

梁詩弟子何妨師事沈尙書

入座風神玉樣清可憐毛髮亦聰明賦琴新把嘉名錫

乍喚知卿聽尙生

計五官謝公  
賜字賦琴

解托多情杜牧之寄聲山裏說相思僊桃無福移來種

還托東皇好護持

到溧陽看鵬姑再宿紅泉書屋作

十四年前宿壻鄉餘溫猶在舊眠床入門最是傷心處  
不見懽迎白侍郎

侍郎閒話每三更頭觸屏風耳尙聽今日蕭蕭白楊下  
可憐鶯語尙丁寧

欲看園林似替無女兒指引外孫扶桃花對我嫣然笑  
似識前來一老夫

諸郎排日飲衰翁盤盞銀光射眼濃上有兩江清篔字

分明卽是孔惺鐘

文靖公會署  
兩江總督

鵬姑才似女相如健婦持家綽有餘記否當年燈火夜  
替爺數典替抄書

安世侯傳二百春更聞天上降麒麟翩翩喜見佳公子

三試都爲第一人

謂元國世講子  
易時新采芹

衰年臨別意綢繆借看圖書又上樓絕似飛鴻憐爪迹  
閒花野草尙勾留

三宿紅泉酒未消春風吹雨濕征袍回頭尙有關心事

未與喬公一太牢

未掃文靖公墓此心缺然

彭鏗一見慰離懷便似曇花不再開他日夢中如識路

定教着翅再飛來

謂彭責  
剛先生

舟中寄彭黃園先生

彭夫子負異才清臚炯炯明鏡揩偶見隨園詩傾衿誦  
百回勞詭任華推李白孔融思伯喈書來苦道願相見  
自傷衰頹願屢乖聞說先生八十有三歲我當兄事何

疑哉急買溧陽棹笑剡江水開路離君家八九里我尙  
未到君先來手扶筇竹杖脚曳雙青鞋僊風道骨顏如  
孩形病神不病齒衰身未衰野王二老旣相遇誰爲浮  
邱誰洪崖欲把四十年事一口說要將八十一家文字  
同編排相約詰朝到君室擘蘭燒錦飲百杯誰知天帝  
驚有意相遮礙道是昌黎二鳥歌業已駭真宰更有青  
田二鬼行憑空發光怪那堪更使文星聚鐫殘造化天  
難耐急命雨師風伯起波濤淋浪隔斷彭衙界只許君  
推袁不許我訪戴我如南海禮佛人一見觀音不可再  
君如雞黍歎茅容枉自欽遲將客待馬行淖而蹄傷舟  
衝波而帆敗此情耿耿海同深後會茫茫年各邁愁腸

轉轆轤老泪飄巾帶只好高歌杜甫詩九原泉路交期  
在

附賁園光斗先生和詩

先生曠代之鴻儒九苞蘊采含智珠弱冠名騰入中  
秘翊翔蘭署暨石渠天寵奇才姑小試俾膺民社來  
江湖惠政羣歌頌建康清風不減范萊蕪現宰官身  
試游戲解香案吏賦遂初遙指倉山孕靈秀急營小  
築安琴書吾愛吾廬洵樂地山花山鳥供清娛名齊  
鑿齒傳四海行蠟阮屐周寰區迄今壽考屈八表精  
神不與龍馬殊試問先生何所癖憐才愛士寔若虛  
苔岑異質常滿座詩非野味充山厨卽如斗也素守



推荊州未識徒嗟吁辱公嗜痂頻齒及聊寄傲帶備  
掃除先生不鄙情益摯郵牋懇欸手足如古云知己  
勝感恩已無足知感亦愚祇祈邂逅觀一面三生願  
遂幸不孤今春伏枕方苦疾喜聞玉趾臨蓬廬披衣  
急起走迎候握手話悒病欲舒狂飈肆虐滂雨驟乍  
逢旋散仍回車來朝急遞賜華束長歌千字何瞿瞿  
爲言此別艱後會九原相訂誓不渝讀罷悽然掩  
卷淋浪涕泪沾髭鬚斗雖早死骨未朽祝公百歲善  
保軀

送阿蓮就婚茗溪沈氏

東陽族姓一村穉弄壻人來定不休只恐金閨有徐淑

催妝索句替兒愁

記得兒生髮已絲向平有願畢無時今朝看汝成婚日  
喚作遲郎竟不遲

到西湖住七日卽渡江遊四明山赴克太守之招  
湖樓再住與闌珊兒自完姻我看山一渡曹娥江上水  
烏篷船从烏綿蠻

路過慈溪水竹村祠堂一拜最消寬五代祖察院槐眉  
公有祠堂余入翰  
林香亭或進士匾額俱存八十年來從未一到不圖劉阮歸來早已見人間七

世孫

久開天乙閣藏書英石芸香辟蠹魚今日積存珠已去  
我來翻擷但歛歛厨內所存宋板秘抄俱已散失書中  
夾芸草厨下放英石云收陰濕物也

莪亭尺牘善收藏三百年人聚一堂  
邳縣范莪亭孝廉藏前明尺牘千餘

家采到袁絲真有幸塗鴉也厠兩三行

### 天童寺

十里古時松蒼蒼護梵宮殿餘千片瓦佛坐一天風樹  
老根全露僧竊禮愈恭無多香積飯肯供白頭翁

### 招寶山望海

招寶山頭坐茫茫望大洋波濤如起立人世定洪荒水  
合天無縫雲生島盡藏有誰溫帶下親手折扶桑

### 放光松歌

放光松貌奇古雷火不能焚工垂不能斧老子雖猶龍  
學禮頭轉俯考父背偃僂下民誰敢侮長無八九尺壽

有千萬年松根騰騰生紫烟松針平鋪十畝田松濤依  
稀奏管絃左枝欲斷右枝聯升者拗怒伏者眠風爲轉  
折雲盤旋或爲貉索或龍牽甘心入土復出土不敢朝  
天似避天和傳阿育王遺舍利子挂在此松梢夜夜  
寶光起方知松有神十方皆頂禮于今廟宇雖凋喪此  
樹甦甦神所相飽餐風雪愈槎枒未死蛟龍猶嘯強我  
欲作青詞奏玉皇將松移種東海旁常陪紅日照扶桑  
忽與山中魑魅常爭光

遊四明雪竇七章錄呈楓村太守兼寄雪堂僧

捨却肩輿換竹兜爲探雪竇作仙遊一峯才了萬峯起  
似上青天我欲愁

袂針綠滿寺門前未見禪堂早見田幾个高僧叉手掛  
袈裟吹滿稻花烟

一條瀑布有聲聞噴出山腰認不真覽勝須登峯絕頂  
與豪應讓捨身人

瀑布旁有捨身崖甚峭

中天卓立妙高臺穿破浮雲眼界開四面山如兒女伏  
一聲呼喚定飛來

狂客由來愛四明果然風景似蓬瀛不知人世藏何所  
但聽僊禽奏樂聲

上通惡像果超羣傳說開山是此君伏地當時叅佛祖

衝天可號大將軍

相傳上通禪師即黃巢也

十日天晴豈偶然舟車全賴主人賢黃堂便是西天佛

替了靈山會上緣

回首僧房紫竹床  
難禁一宿戀空桑  
此身已落紅塵去  
還寫雲箋寄雪堂

重遊山陰石屋

十六年前地重來  
景未忘山多迎我笑  
人竟比松蒼  
雨

氣諸天濕經聲晚課忙  
爲尋于少保急急步禪堂

廟聯云花

雨欲隨岩翠落松風還  
傍洞雲寒錢塘于謙題

再過招寶山觀海四首

再看海方信東南地  
缺多三山雖宛爾  
一笑奈風何  
天

后來招寶

山有天  
后廟

觀音住普陀  
相逢定相約  
聖世莫

揚波

九點烟如許中原算一支天心無畛域地界有華夷魚  
目三更日蝦鬚十丈旗韋尼果浮海語怪也驚疑  
若个探深淺歸墟隔幾重九天烝日月萬怪走魚龍善  
下斯爲大能虛自有容江河似邾莒爭敢不朝宗  
弔古能無感追思漢與秦戈船尙來往砲位更橫陳徐  
福三千士田橫五百人成僊與作賊強半此藏身

記遊一篇留寄太守

滿頭白髮披過耳聽說青山心尙喜向平願畢才兩日  
康樂束裝竟千里檣村太守風雅士館號招賢從隗始  
片葉輕搖范蠡舟一江直渡曹娥水初登招寶山鯨波  
將眼洗再拜阿育王摩訶舍利子雪竇參天石鏡開徑

往從之歛行李胸羅青嶂影層層脚踏紅霞鳥几几僧  
能憐老杖先扶天許看山雲不起鐘鳴漏盡尚行平海  
濶天空竟歸矣試問人間八十翁如此風懷能有幾羨  
之樂死怕教見列子就遊將沒齒旁人倘訝子胡然我  
亦無言笑而已

八十自壽

自笑將開九秩筵挽詩翻在壽詩先剛修祿事傾三雅  
再宴瓊林欠四年瀟灑一生無我相逢迎到處有人緣  
桑榆晚景休嫌少日落紅霞尚滿天

白雲深處白鳥翁尙記髫年入泮宮賈誼登朝裁弱冠  
趙元叉手揖三公金蓮花燭家家羨南國甘棠樹樹紅



一旦慈鳥思反哺搖鞭不待管絃終

買得青山號小倉一邨一壑自平章梅花繞屋香成海

修竹排雲綠過牆嵌壁玻璃添世界張燈星斗落池塘

上公悞聽園林好來盡盧鴻舊草堂

甲辰春 聖駕南巡和致齋相公遣

人來畫  
隨園圖

卅載承歡髯已星萊衣舞罷此身輕千重越嶺看花去

兩度天台采藥行倭國都來購詩稿

高麗使臣李承  
熏洪大榮等佳

人相約拜先生

孫雲鳳張  
玉珍諸人

九州不信吾還在陽五都疑

古姓名

甲乙丹黃萬卷餘兒孫珍重好家居但看手澤應思我

莫爲科名始讀書平子四愁能自遣香山三泰有誰如

小倉山房

卷三十六

九

此翁事事安排定生豕營成傍草廬

欲爲遲郎賦感婚卽將此日卜良辰蟠桃會上  
看新婦

玉鏡臺邊祝大椿白髮粧成三女粲

陸金鍾三  
姬俱老矣

好風吹

滿一家春畫梁乳燕雙飛處添箇堂前問字人

阿遲婦  
全寶能

詩

一枕黃梁夢太長  
憑人喚醒又何妨  
烟雲起滅山還在  
桃李榮枯松自蒼  
不解梟盧呼彥道  
愛藏金石學歐陽  
寶公他日西湖召  
擬獻周官樂幾章

逢花逢月客誰招  
碩果晨星逐漸凋  
怕過山陽聽玉笛

嬾從酒店贖金貂

性不飲而  
愛飲客

牡丹艷艷開三月

聖世

看看歷四朝  
倘把光陰掄指算  
占人多少可憐宵

閨中妻老尙齊眉冷暖常先侍者知同榜一人惟首相

阿廣廷

及門五代見孫枝

談羽儀  
部中家

詩多幸賴辭官早累

少全虧得子遲更喜女嬖還健在白頭閒坐說兒時

陸氏

姊八十  
七歲

尙書小楷尙登樓滴露研朱事未休清福已經消半世

虛名遑敢望千秋貧能行樂僊應妬老不逃禪佛亦愁

擬乞壽言何處乞抽毫先向自家求

一作杖過杖朝無  
可杖思量只好上

遊天

三月二日

杖朝人被四方知千里人來萬首詩惹得衰翁心轉怯

牡丹開到十分時

兩家爭把壽星迎

又禮輝揚  
仁山世講

兩隻花船載酒行全到觀

音山下泊蓮花座上祝長生

多謝吳娘金巨羅爲儂齊唱百年歌曲終人散先生笑  
又遇人間春夢婆

讀嵇文恭公行狀覺前詩有未盡者再補一首

不曾聽過鹿鳴聲

庚戌會試  
許大臣子弟

世宗特旨  
禮人揚

便向金鰲頂

上行賈誼治河良策備

公署南北河  
帥俱有奏疏

千秋上殿小車輕

封章屢乞歸田里

恩旨纏綿眷老成寒免趨朝朝

免早翻勞 聖主替經營

自詩詩亦嫌有未盡者再賦四首

自家心要自家安身自頽唐筆未乾海客忘機鷗便下

龍門不峻客常慵孟嘗焚券除煩惱所焚券如魚門太史高直方明經者

九家蕭惠裁楊總達觀只有平生幾知己衰年說着淚猶

彈

不能飲酒厭聞歌華帶常寬懶着靴那信陰陽有拘忌

祇憑忠信涉風波凡有水路者從不陸行空王殿上香烟少故友

墳邊麥飯多補蕭先生墓代祭四十年矣奴僕亦知安我拙相隨都

已髡髻

置驛南陽我不如客來相見定相於平生客無所門者喜除詩

外從無債愛聽泉聲似啟予十頃水田生計足四時風

月夜窗虛何圖將相沙塲上萬里馳書訊起居謂孫福兩公相

和惠兩制府

小倉山房

卷三十六

七

着到飛棋與偶然無絃琴好亦空懸家餘旨畜隣分潤

園少墻垣賊見憐

園無藩籬  
怡不失物

一物有情皆入賞半生非

病不孤眠休提往日與人頌風影詭傳五十年

至今村  
市有碑

唱當年德政者皆方

廟外傳附會無稽

### 題姪婦戴蘭英秋燈課子圖

禮訓從來出戴家戴嬌生小貌妍華娟娟國色天仙妬  
字字金鑿紫石夸豪華梳罷清晨起便倚妝臺吟不止  
脫口能傳伏勝經停針便續班昭史偶然吹竹更彈絲  
多藝多才侍婢知芳姿似月閨中照佳句如雲紙上飛  
喜結絲蘿歸小院寒家戚里人人羨西湖攬勝共香車  
北苑題箋分筆硯秦嘉問說也聰明詩筆終輸徐淑清

不權由來稱進士，妝成理合喚先生。一朝夫婿長安去，  
男兒慣被封侯誤。郎病方教我欲愁，妾憐早唱公無渡。  
剩有嬖媿膝下孤，呱呱知哭阿爺無。購來李翰蒙求本，  
命寫顏家千祿書。最苦霜天夜月高，烏啼不住朔風號。  
兒頭已觸屏風睡，娘手猶持荻草教。而翁曾作宜興宰，  
我來乍見驚鴻態。不料乖離十四年，霜蘭雪竹容顏改。  
贈扇題詩當束修。近亦自稱年年春仲望來游。用見我  
來先要舍怡問兒課，何書記得不。

魏齊

祖龍一怒萬人愁，大索張良也罷休。底事應侯小喚喝，  
半空飛下魏齊頭。

題竹宜夫人玉堂春曉圖

畢制府室姪  
伊字竹宜

朝天人去未還家  
偷得閒身掠鬢鴉  
莫向風前頻卻扇  
恐教羞落海棠花

一幅生綃烟景清  
寄來千里意分明  
老人把筆無題處  
只好裙邊署姓名

張素香校書以扇求詩

素女披香倚畫欄  
張星須與月同看  
國風儘寫莊姜美  
我道凝脂第一難

袁翁無計與溫存  
只可摩挲一斷魂  
絕似武夷君下世  
向卿空喚女曾孫

碧山吟社圖爲秦小峴觀察題

有序



前明宏治癸亥秦修敬先生招陸懋成勉陳天

澤嚴

十人爲詩會沈石田爲作碧峯吟社圖藏

秦府多年忽然失去小峴觀察得之濟南書肆

甚爲欣喜然已失去圖尾諸名流題跋矣

碧峯社裡十風人寫上丹青五百春底事偃山飛海外

用王摩詰故事

依然神劍躍龍津文姬自古終歸漢淮水而今

尙姓秦莫惜標題微有缺斷圭殘璧總精神

奇中丞失察織造缺額罷官入都賦詩送行

七載甘棠露未乾一朝春去太無端本來戀闕心原

切如此休官夢亦安佛爲度人常入劫驥因久駕暫離

鞍薰風滿路黃梅雨病後知加幾頓餐

最難分手有袁絲剛在吳門送亦奇風引卿雲還上界  
鳥啼殘照戀高枝便違色笑從今日再宿南衙是幾時  
老淚無多自憐惜爲公傾灑怕公知

歌者天然官索詩

何必當筵唱浣紗但呼小字便妍華萬般物是天然好  
野卉終勝剪綵花

雌霓雄風總可憐春蠶到老愈纏綿摩挲便了三生願  
與汝同超色界天

中丞體素羸解組後陽滿大宅枚入見心喜再賦

二首

眠食勝常貌轉佳封疆肩卸此心開方知前示維摩疾

總爲憂民報 國來

廊廟江湖境本同能舒能卷是英雄只愁絲竹東山樂  
未必蒼生許謝公

送中丞至惠山蒙賜人稜畱別

老怕恩多記不清着公衣服送公行

身上葛袍公舊服也巳酉仲夏所贈

惠山泉似知人意流出潺潺不盡聲

一路官民盡捧靴

用崔戎故事

中丞病起奈勞何不圖去日

旌旗少轉比來時迎者多

老我婆婆語未終幾莖仙草納懷中知公畱贈無他意  
要我長生再見公

公是朝陽未有涯我如落月誓徘徊從今抵得千回夢

小集口房 卷三十一  
只盼長安一鴈來

五月二十一日還山畱別蘇杭親友

八旬人別武林城回首西湖尙有情倘與諸公緣未盡

三年來聽鹿鳴聲

余戊午舉人再隔三年又戊午矣

妙手調羹愛阿戎幾番招飲醉衰翁弟兄花似開棠棣

越到斜陽色越紅

謂春園弟

寄語朱雲感未忘當年爲我訪花忙戴家小玉今存否

只恐麻姑鬢已霜

乙酉冬韜六翰林同遊碧浪湖引見戴家能詩之婢意欲聘之

二老三僊酒一卮

春岩廉使女雲鳳雲鶴玉如玉夫人一齊觴我

全家送別話

依依故鄉尙有孫思邈忍說杭州竟不歸

再過莫愁湖有感

結綺臨春盡化塵莫愁樓閣又重新  
男兒欲爲千秋計不作英雄定美人

與嵇曼叔世講遊惠山石門

惠山遊石門喜與嵇康共初登心已訝再上身漸重先  
入紫微宮焚香來者眾繼至白雲嶺飛流奔石洞東望  
尤莽蒼撫心內自訟下臨萬仞溪險絕不可控倘一失  
足墜老命爲誰送忍死登其巔白日手可弄雙峯不見  
門絕壁但留縫九天一聲咳萬山齊欲動佛坐影尚搖  
鳥飛天若縱邵寶雖重來錫山童謠云若要石門開除非邵寶來張騫難  
鑿空一笑下山歸回頭似出夢

紀周將軍墓上事

有序

乾隆四十九年秋周將軍遇吉墳爲黃河水所  
齧兆將傾矣居民嘆曰將軍如此忠節而死後  
乃不保其墳耶是夕雷電以風全地俱震及旦  
視之湧出高山百丈爲障其墳時春圃弟秉臬  
山西以公事至寧武關歸述其事

古來陵寢如鐵甕摸金校尉猶能動惟有忠臣土一坏

天看更比山河重寧武關外周將軍心似精金膽似雲

淮南子  
胆爲雲

萬箭攢身不變色百年埋骨尙畱墳墳近黃河

百餘步漸漸崩沙啣其路一夕風雷震地鳴湧出青山  
替保護我于此事常懷疑天若無知又有知與其朽骨  
天猶管何不天兵早救之誰知國祚本無常運去時來

名自忙難扶大厦孤撐手易表沉檀死後香君不見建  
文之朝黃子澄殘骸狼籍埋華亭蔓草荒烟四百齡年  
年祭掃家無主有人築亭偷取土三築三擊雷不許亦  
年事嘉定枝官  
錢塘爲余言

吳櫻坪太史滌硯遺圖 有序

乾隆元年余與翰林前輩吳櫻坪先生同受廣  
西金中丞知薦鴻博入都時先生髻髮全白而  
余一領青衿年才弱冠同試 保和殿上今花  
甲重周音塵久隔偶過姑蘇其後人名顯者見  
示此圖展玩之下不特如見先生并如見中丞  
也磨墨揮毫悲來橫集

憶昔同徵日子今六十年一朝逢畫裡萬感集胸前我

髻全蒼矣君容尙婉然遙知洗硯處初染桂花烟

此圖畫于

雍正癸卯是年公舉秋試

附櫻坪先生 王坦 自題小照詩

不合人間有此生年來踪跡寄浮萍身餘筆墨難償  
債家爲饑寒已廢耕與我周旋仍作我識卿面目付  
還卿風雲變盡隨時態白首惟君不世情

無言獨坐傍芳菲此子襟期與世違首藉草荒天馬  
病神僊字老蠹魚饑露寒金粟秋風早水落吳江獨  
雁飛今日燈前重問訊怪他雙鬢漸看非

惡老八首



老人慣早起如盤古開天獨來又獨往四望無人烟欲  
鹽水未溫欲飲茶未煎兒女門戶閉僮僕縱橫眠豈不  
欲喚喝猛然記少年記得少年時鼙聲如雷頭

身欲往某處必是有所謀及至行中路業已忘因由偶  
呼莫僮來意有所分付及其來至前翻問來之故李崇  
或損腰周仁時滿袴窺罔奴急扶登樓人盡怖事事受  
人憐方知老可惡

支筇豈不佳因足累其手高談覺傷氣真乃口戕口厭  
坐起而行行亦不能久有意珍藏物及等轉無有昨宵  
所見客今日問誰某愁看細字書畏逢禮多友魯昭心  
雖童梁王已呼叟只好學模稜唯唯又否否

看老天光景漸漸不相容有目漸不明有耳漸不聰卿  
輩雖難記徐陵終不恭訓人至萬語毋乃王世充屬屨  
羹便却須臾腹又空鬱烝偶免冠馳蹇又受風圍棋陣  
易劫看書卷難終驚視倉山嶺斜陽紅不紅

一兒能吟詩不教其應試一兒太蠢愚但教其習字責  
善最不祥我豈爲兒累學禮與學詩聖人亦寫意倘鯉  
不趨庭或竟任嬉戲高鳥自翔天芳草自覆地彼豈有  
爺娘辛苦爲兒計

昔吾少也賤性却愛豪華慕人衣裘美羨人膳飲嘉所  
思恒不遂隱隱生嘆嗟于今衣頗華老醜不相稱盲畜  
亦多珍果腹能幾賴我欲訴眞宰還我前景光寧可少

時富老來貧不妨

出門四月餘箋奏動盈尺非是索標題兼且乞親筆知其畏我死取之及其生桃符又性急應付心始寧麵糊用一斗墨水飲三升行樂吾有分節勞吾不能動說精神好欺人語勿聽

精神爲主人形骸爲屋舍主人漸貧窮屋舍亦頽謝將頽未頽時主人强支架導引以養生醫藥以補罅及乎無可爲主人亦告罷何如蛤與蜃江湖能變化旁有趨大夫淒然爲涕下

龍山慈孝堂圖爲鮑肯園題

宋末政弛萑苻麻起鮑氏二賢父孳其子夜行畫伏父

爲賊縛一解縛置樹頭磨刀霍霍春其喉誰知草間尙

有兒叫號泣拜不肯休願殺兒毋殺爺兒代爺死無怨

嗟二解爺曰不可我老不足惜留我兒爲我祖宗綿血

食三解父子爭死如爭財爭奪賊刀將自裁風雲爲慘

悽禽鳥爲悲哀四解羣賊大驚泪下沾纓道我輩亦有

爺虎豹寧無情何不撒手縱之行登時白頭黃口值儻

抱走得重生五解事聞于朝萬口褒揚傳至景會龍山

建堂曰孝曰慈經兩朝帝王寵錫龍章六解六百年來

風撲雨濛堂不可尋十三世孫宜瑗過之爽然傷心願

語其子女他日再爲建造庶幾慈後有慈孝後有孝七

解其子志道再拜受言取肯堂之義自號肯園殫精竭

誠積三十年而厥願始成八解匪徒堂建兼勒石記之

匪徒記之又從而圖繪之堂前樹二枝已飄零妙手丹

青為補其形其一卷曲鬱怒如受縛樣其一偃僕鞠躬

如哀乞狀至今若有聲響可呼之于紙上九解嗚呼君

不見武梁祠上圖羣賢慈容古貌傳千年男兒生世間

得傳孝義名又何必身標麟閣貌畫凌烟十解

再送香亭之廣東

白髮送行人青山都變色何況八十翁送弟萬里別後

會何時逢彼此不開口倘若一開口如何再分手

久聚不知樂乍別方知愁早知別可愁一晤抵千秋弟

在家八年權飲能幾度回首再思量寸寸光陰悞

記弟初來歸弟年才十五從此五十年悲懼難悉數如  
萍合又離如琴罷復鼓倘演作傳奇可泣可歌舞弟生長桂

天生兩鶴鶴一勞一安逸勞者生佳兒逸者又奪得喜

通近頗

工詩 峩峩道素門書香久歇絕今春過祠堂爾我兩

福額

祠堂在慈谿祝家渡余入翰林福曰清華世有弟成進士福曰兄弟甲科

我昔來訪弟鐵樹方開花端州文武官餽席爭相誇協

臺劉祭式楊

叨府諸公 八十一盤羹食前竟方丈回首荔支香消

覓在天上

我歸弟送我握手愁難偕不料未一年天風吹汝來前  
來非意中今去出意外未知粵海樓我題詩可在

積俸至萬金不可尙云少倘稍知歛藏儘足自娛老弟  
身非天女何苦散空花弟存借券六萬餘金阿六善經紀弟當師  
蕭家

我有一尊酒爲弟餞房中女嬰與邱嫂婆婆妾勸千鍾勸  
罷送弟出三者淚始流不敢對弟流憐弟也白頭

詩人多情者往往作司馬劉白曾爲之聲名不相下吾  
弟黃堂坐忽變青衫客此去過潯陽琵琶聽不得

此翁

一病方知靜養功眼前物理與心通烟難出戶天將雨  
花冒升堂夜有風萬卷書橫秋水上一燈人坐白雲中  
莫教貧相此翁也八十高吟尙未終

示兒

不將庭誥學延之但說平生要汝知騎馬莫輕平地上  
收帆好在順風時大綱既舉憑魚漏小穴難防任鼠窺  
古諺云鼠穴留一  
個好處不穿破 三百六旬三十日可聞諄語響茅茨

喜老七首

初覺老可惡旋覺老可喜廿五科翰林世上曾有幾我  
非挾長者其奈無敵體偶遇士大夫論交一掄指非其  
大父行卽是年家子初見問誰何道破重拜起莫怪武  
夷君人人曾孫矣

筋力不爲禮人拜我但扶鄉黨莫如齒首坐常晏如張  
蒼怕食乳愈欲精庖廚陸展無側室久不染髭鬚前途



知有限錢亦不留餘兒婦知我老抱孫來柳榆賓朋知  
我老攜尊來相於我亦自知老行樂爭須與笑問老一  
字千金肯賣歟

漢廷夏侯勝宮中延爲師以其年篤老瓜李無嫌疑我  
亦大耋年傳經到女士班昭蘇若蘭紛紛來執贄或捧  
靈壽杖或進上尊酒入謁必嚴妝惜別常握手雖然享  
重名不老可能否

夏禹惜寸陰楊雄常愛日味此古人言我却無慙色十  
載宰官身吏民尙懷德養母三十年晨昏常侍側種松  
高十丈著書盈三尺五嶽山已遊四朝事能說清夜自  
思量此老老亦得

老姊相依住將開百歲筵老妻亦八十齊眉在案前僮  
奴各班白霜雪盈其顛人指老人國我遊羲皇天更有  
分壽者率兒孫乞憐要我手摩頂以爲結善緣偶然遊  
四方觀者走躡躑以爲覘一面勝如遇一仙我乃曠然  
笑人老竟值錢

嫫母不知醜西施不知好我亦將毋同八十不知老宴  
客必張燈吟詩尙留稿或栽雨後花或剗風中草一起  
百事生一眠萬事了眠起卽輪回無喜亦無惱何物是  
真吾身在卽爲寶就使再龍鍾憑人去笑倒試問北邙  
山年少埋多少

生時自己啼死時他人哭我啼人輒喜人哭我當樂逝

者如斯夫風輪如轉轂改燧不改火後燭卽前燭可笑  
世間人紛紛仙佛供修煉旣身勞禮拜亦頭痛卒竟歸  
渺茫風影不可控果然呼卽來一笑吾從衆

記得

記得兒時語最狂立名最小是文章

十三歲先生命賦詩言志

而今

八十平頭矣猶爲文章鎮日忙

間奇中丞

恩給郎中銜管理

圓明園三山事

喜而有作

作宦如遊山直上自然好倘不稍曲折領畧終嫌少中  
丞弱冠年宮花已插帽一路揚旌麾西川及嶺表七載  
大江南民吏皆鳧藻冬日舒陽和秋毫察劾渺吟咏萬

家安嬉遊百事了，未免登泰山一覽天下小。從此竟調羹，天心道太早。乃借旁來風，忽吹布帆倒。垂垂三吳恨，持靴欲前抱。我道爾胡然，善人國家寶。龍馬暫離鞍，慈航偶轉棹。果然天意回春到，梅花早許管三神山。轉得遊蓬島，仰首望蒼蒼。卿月仍皎皎，不久或重來。南衙何必掃山中，白髮翁一笑已忘老。

蔣梅厂出示尊甫容齋先生偕友申耜先天台采

藥圖遺照爲題一律

樓閣渺雲烟，瑞姬笑拍肩。是誰兩年少，采藥到溪邊。隔水疑無路，逢花便有緣。遙知劉與阮，今日早成仙。

病十月十八日

一病原非死年衰易喚驚醫巫招幾輩兒女坐三更老  
樹風霜耐閱雲去住輕寒蟬雙翅在依舊作吟聲

題趙碌亭先生對松山圖

展卷如登岱松風撲面來斯人正年少隻手掃雲開老  
去難忘舊徵詩更愛才不知溪畔鶴可尙啄蒼苔

我亦秦山客回頭五十年

壬戌年余登秦山至南天門而止

當時小天

下此日臥林泉宗炳重看畫洪崖似拍肩何時雙白髮  
同去作飛仙

接奇中丞信知加二品銜管喀爾烏蘇事却寄二

律

盼斷長安旅雁聲瑤華吹到白雲驚纔教蓬島三山住

又作陽關萬里行肩任 朝廷西顧重冠飄孔翠馬蹄

輕聞新賜花翎 臣心久已清于水應耐風霜一路迎

十載龍門一夢過自隣雙鬢愈婆娑姑蘇隔水猶嫌遠

絕域如天更奈何從古英雄多出塞于今良馬定奔波

葡萄酒熟烽烟息好唱天山勅勒歌

薦葭裳與揚州轉運曾賓谷先生附之以詩

大雅扶輪力有餘東南轉運繼解于公追漢上題襟集

公仿唐人溫段二公故事編邪上題襟集我獻昌黎薦士書天際衆星原拱

月人間化雨也隨車三江桃李栽千樹只恐歐門尙不

如

暢月廿八日陳東浦方伯招飲瞻園

招飲南衙不速來衝寒花正放黃梅談深文字同忘老  
嘆絕盤餐易舉盃枚素不飲昨以酒美餽佳竟至沉醉五郡薄書鈴閣靜  
一庭琴鶴綺筵開瞻園尊貴隨園冷風味依然兩秀才

方伯和

許爲一飯果能來恰喜輕陰散早梅妙論盡知聽  
大雅歡情敢料飲深杯六朝松石當人立十咏風  
光對鶴閑有贈園十咏獨笑詩仙太相愛風塵不厭有  
粗才

燈下理書不能終卷白傷老矣

百物可決捨惟書最難別欲重溫一番桑榆景太迫翻  
經恐遺史讀子慮失集追思購買時千金不顧直簡斷

爲搜全編殘替補缺精華多手抄驅使當吏卒旦夕與  
綢繆丹黃與甲乙幾枝蠟燭光幾點心頭血子孫未必  
知蠹魚或能說今朝大整理吾生萬事畢嬾寫紙三千  
自慙年八十南朝沈麟士年過八十手抄書三千餘紙且喜書中人九原盡  
羅列不久卽相逢何須更私覲

殘臘

殘臘蕭蕭歲又更衰翁夜坐每心驚自從老後翻無病  
但到花間尙有情人道伏波還嬰鑠我愁夷甫太鮮明  
時深親王又育書幣相將每聽漏盡難先報與汝何干要作聲

二月十二日淮樹觀察六十索詩

六旬花甲啟華筵生長花朝花有緣宦海抽帆真達者



英雄退步卽神仙通侯故第安居好

公買張侯府號曰安園

太守

新河德政傳

聖駕南巡公從江口開河直抵樓霞

更看中山王隴土于

松手植已參天

公在魏王塚上植松千枝

平生使氣佩吳鉤老去心經注未休

公注心經

博局人爭呼

彥道花叢誰不怯羅虬千金券約投爐了二月湖山挾  
妾遊我敢稱觴無一語與公各自有千秋

除夕

一年盡矣在須臾南細雲低臘未舒無處招人來飲酒  
有誰今日尙看青春如遠客將歸速歲似交盤把舊除  
且喜斜陽還戀我比尋常去畧躊躇

丙辰元旦

八十又添一

新君正紀元

枚二十一歲為乾隆元年  
八十一歲為嘉慶元年

恩逢千叟宴身歷

四朝尊賀客誰投刺梅花代管門

老妻梳白髮手自美粃盆

六十年前事回頭似在旁一鞭行萬里三策試明光

冉浮雲過重重春夢長滄桑何處問只問滿頭霜

嘲守歲者

有錢尙須散有歲何必守不知人世間此例何時有徹  
夜全家忙守子直到丑誰知重門關依舊歲逃走雖燒  
紅燭光難掩黃雞口我道子胡然別歲如別友故人自  
然佳新人未必否任其自去來只要我長久不學傅修  
期年年六十九只學賈浪仙祭詩且沽酒

余三十三而致仕有句云可惜巢與由此身不肯  
老今八十一矣偶讀此句不覺失笑

昔入山時怕出山巢由不老發長嘆而今又被巢由笑  
老到來時也不難

以繡畫祝慶晴村都統時駐劄寧古塔

花甲人開塞外筵蟠桃爭獻大西天誰知遠進霞觴者  
尚有倉山一散仙

寄君一幅海棠花采色鮮紅映曉霞知道將軍詩句好  
弓衣繡遍女兒家

當年記否喚吳娘濃笑書空道姓唐今日瑤池倘重到  
麻姑兩鬢定如霜

懸弧同唱百年歌  
老我先叨八十過  
怪底少微星尚在  
餘光分得將星多

祝公轉旆督江東  
再聚西園樂未終  
不信但看圖上鳥  
雙飛兩個白頭翁

余五十歲用眼鏡  
今八十矣偶爾去之  
轉覺清朗  
作別眼鏡詩

是誰替我換雙睛  
變翳捐除眼忽清  
與汝竟成垂老別  
叨光已領卅年情  
水因春暮冰方解  
月到更深魄倍明  
從此鼻端兼耳畔  
永無牽挂累餘生

孫補山相公在西藏軍營  
深夜秉燭和隨園自壽  
詩六首將弁驚訝以爲有  
緊急軍務也詩成傳寫

方始釋然書來告知感謝一律

夜半牙旗捲朔風帳中筆響一燈紅  
羣驚艸檄傳軍令豈料題箋寄野翁  
萬里雁隨雲入塞六章詩似將成功  
老兵磨墨應含怒何物袁絲累相公

再寄麗川中丞

兩寄詩箋墨未乾遙從塞外問平安  
怕經吳郡當轅過愁夢遼西識路難  
江左自然春再到晨星無奈漏將殘  
八旬年紀千行字應惹中丞掩淚看

成警齋都統素未識面蒙入山見訪  
枚小住揚州有失迎候及至京江走謁  
又爲風阻途中蒙賜肴  
烝剪江而至

西清簪筆舊詞臣官領東南統制尊  
半刺正思投帥府  
八聯先已到蓬門  
渡江趨謁風偏阻  
破浪傳餐盞尙溫  
未得瞻韓情若此  
况教文史共深論

京江相晤誦見贈十詩知夙有同門之誼再謝一章

匡衡翼奉本同師海上成連見獨遲  
一面各驚雙鬢雪  
千金不換十章詩  
雲泥分隔緣偏重  
膠漆情深水亦知  
從此秣陵烟樹裡  
雲停月落總相思

寓佩香女士聽秋閣主人未歸蒙左蘭城家岸夫  
分班治具都統成公屢以詩來全至焦山餞別

京江小住聽秋閣  
竟作平原十日歡  
弟子携尊排日飲

將軍走馬送詩看香罽紅藥家家賞活捉鱖魚頭頓餐  
歸過焦山重望海一天烟水又憑欄

佩香歸和

兩月揚州久未還荒齋聞博老人權歸帆可奈先生

早

時先生亦自揚州到鎮

明月難同弟子看有客登臨陪望海

無人朝夕勑加餐白頭知否懷恩意鎮日風前獨倚

闌

輓吳敬軒明府

諱之承山東人

琴堂昨歲別匆匆忽聽仙遊堯率宮善政人方千口誦  
服官年僅五旬終鶯遷喜振雲中翮棠蔭鶯摧海上風  
君新陞海門司馬 遙識吳儂失慈母忍看丹旆去江東

我本留侯門下人，哭君三世倍沾巾。廉泉一勺頻分俸，  
仁粟千鍾更指囷。握手記曾留後約，通家何遽了前因。  
傷心芳訊來如昨，猶餉新茶及早春。

仲春蒙  
寄新茶

挽范莪亭孝廉

客春遊四明，到處停蠟屐。范蠡有精苗，新交如舊識。君  
晚舉明經，娛情住泉石。漢隸及籀書，八儒兼三墨。一  
盡淹通等，身多著述久。聞天乙閣藏書勝，西穴想向蒲  
侯借。因到鄴架側，君家諸族人。粲若屏風列，蠹魚見我  
來。蠕蠕盡逃匿，芸草知我來。餘香未消滅，啟櫃無一編。  
但見灰塵積，據云丁亥年。四庫求書急，恭進七百種。  
天子大喜悅，命付抄胥抄。原本仍發給，重重官府門。



遠若人天隔無人敢往領遂致全散失方信牛宏言藏  
書有五瓦我入寶山進一甌乞不得賴君有雅尙愛搜  
古墨迹前明牘與箋裝潢高百尺中有楊左書字字甚  
宏血公然我拜觀亦足慰飢渴君乃索序言諄諄相敦  
迫何圖白首逢遽作黃墟別難乘縞素車遠弔張元伯  
只好學孝標修書踐諾責聞君素聰強偶然邁小極一  
朝竟委化七旬還欠一我少一面緣來騎千里驛緣盡  
便乖分共故誠難測宜乎楚屈原問天天不說

三伏

炎帝代辭客幽人得自如門無朱鬣馬家有白雲車雨  
久荷花密風高楊柳疎年年三伏日添著幾行書

消暑無事偶檢破篋得未刻古文九十餘篇中有  
尙可存者理而出之竟留其半大槩皆少作也然  
非老耄之不能割愛卽當時之過于矜嚴姑付開  
雕以質觀者

偶檢叢殘稿遺珠覺可嗟重番加甲乙照樣付麻沙悔  
黜貧時頗重栽拔過花倘非儂有壽一炬落誰家

徐叻齋投筆從軍圖

孝廉船一隻落第去從軍投筆干兵捧高歌萬馬聞甘  
陳初學武隋陸本能文聽說燕然石銘功正待君

吳福敬齋公相追封郡王詩

勲冠雲臺有重臣一朝天上作星辰誓清蠻觸寧知病

力竭沙場竟致身家散黃金酬將士貌留青瑣畫麒麟  
祇愁甲可銀河洗難洗三軍泪滿巾

西域班師未駐車又從荆楚建高牙丹符屢展擎天手  
瘴雨偏傷捧日花諸葛臨終猶薦士景桓辭闕早忘

家九原料得公含笑已報軍前獲呂嘉公葬數日而苗  
匪首逆就擒

九重 郵典下非常四海聞知也斷腸 帝塔沿途勞

執紼 聖躬奠酒忍臨喪招魂特建昭忠廟 錫爵追

封異姓王如此哀榮真絕代千秋竹帛有輝光

四章詩寄草廬中念舊憐才字字工業已威名傳海外  
尙能儒雅繼家風青琴識曲真難再白髮銜恩感未終  
尙到泉臺趨膝下先王還恐問衰翁

文忠公亦  
追封王爵

遺興

身世悠悠過八旬，客來還說好精神。  
燈光縱白終非曉，霜葉雖紅不是春。  
鬢髮全凋休對鏡，恩仇未報尙爲人。  
古今第一聰明士，最愛南朝范子真。

久耽水竹賦幽居，偏有榮光炤草廬。  
無驛遠來千里客，

終朝忙答九州書。  
家藏帝子量才尺，

瑤華主人  
賜玉尺

門走雲

鬢，問字車身在虛名。竟如許，未知身後更何如。

黃公鑪下渺山河，子野聞歌喚奈何。  
貧怕盤空添客至，

老貧睡少得詩多。  
萬般往事風前憶，一片浮雲水上過。

轉眼瓊林春宴近，可容此老再婆娑。

下科會試  
即已未矣

莫說無情尙有情，風吹飄動許由驚。  
易知秋冷身原瘦，

常對烟雲夢亦清竹樹添孫多外向

兩兒俱生兩女梧  
諺云女心外向

桐忘老作秋聲歐陽當日文名重更要推敵畏後生  
冬常早起夏常眠生性耽遊自在天身健每嫌兒女弱  
心虛常覺友朋賢魚貪涼影遊荷下鳥戀殘花立樹巔  
記得當時康節語憑人謗我作神仙

未知還有幾年狂欲遣靈氛問彼蒼杖有三枝空擺設  
食無四簋恰精良常臨水坐心常活不惹人嫌老不妨  
最是今秋傷感處四賢詩冊兩賢亡

謂福敬齋郡王孫  
補山公相皆冊中

冠首

重九日爲凡民先生掃墓余年逾八十來日大難

祭畢愴然賦詩與訣因甲午年詩有君墓十三

年我來如一日之語故起句首及之

過來兩個十三春依舊儂來祭墓門  
宰樹有情應識我故人來享也消魂  
離離秋草澆三爵裊裊香烟散一村  
此後衰翁難再到定將此事付兒孫

戲仿易林五首

粉面遇雨其醜自取不見嫦娥淡妝如許  
貧士遇珠奄人遇妹豈不相愛徒生嗟吁  
案頭塵積衣上潮生無故而至總不分明  
春冷過冬秋熱勝夏秋旺無常使人驚訝  
鳥不巢桐蟬不鳴松一避威鳳一怯高風

陳書十一紀勅

愛坐孫樵去佛齋不登梁武講經臺老夫心在羲皇上  
可肯攢眉入社來

不婚不嫁悟真如我替如來大喫虛未到百年人類盡  
可將塔廟付龜魚

輕輕一紙越王書全活生靈萬萬餘較勝兩階千羽舞  
漢文功德有誰如

小立芳塘有所思休休文綺語合剛遲中通外直蓮花性  
尚有纏綿不斷絲

數枝芍藥映欄紅香重風輕色更濃賜與羅虬花九錫  
金刀作剪錦帷封

析聲四起夜沉沉靜掩蕭齋獨自吟花影到牕知月上

蟲聲如雨識秋深

新茶人贈白雲翁舊雨爭來飲一鍾當作蘇門四學士  
朝雲手試密雲龍

落葉得風走瓦上野鷗避雨來牕前池中無故蕩船響  
籬外有人偷採蓮

衰年一卷平常持捨去全無悅目資祇爲消閒非好學  
此情惟有蠹魚知

吟咏餘閑著食單精微仍當咏詩看出門事事都如意  
只有盤餐合口難

酬應隨心最自如從來天籟勝笙竽兒時愛著新衣好  
越是矜持越惹汚



聞麗川中丞又調葉爾羌矣久未接信

聞公西域換雙旌路隔天山又幾層

聞葉爾羌比鳥蘇更遠

萬里

信遶青鳥使一年人盼白門燈星纏驛馬身宮旺功立

沙塲物望增早晚 君王召方叔滔滔江漢正軍興

補祝慶樹齋尚書

來書以弟有詩見貴

尚書花甲補徵詩已過稱觴兩載期天上不教青鳥報

山中那得野鷗知調羹久已家留鼎介壽何曾鬢有絲

從古瑤池王母宴偷桃方朔總來遲

記來南國唱皇華招得衰翁載後車兩點金焦迎使節

幾番詩酒醉通家卿雲雖別光常照冬日留溫影未斜

公生日不久瓊林儂要到添籌再獻杏園花

送陳東浦方伯調任皖江名奉茲江西人

五載屏藩物望尊一朝玉節走雕輪  
皖城有幸迎郇伯江左無緣借寇恂  
卯月本來難久照仁風何處不班春  
只愁明歲瞻園燕錯認堂前舊主人

臣心如水一般清但見風人便有情  
俸薄酒常置東閣

官尊貌不改聖生請天三日甘霖得今春苦旱公勸禱而暮雨故用東

廣微 賦地千篇頃刻成豈獨陳遵夸尺牘詩才壓倒謝

宣城敬愛公尺牘多加演

雲泥分隔意綢繆肯把心期物外遊  
愛訪烟蘿常命駕

恐驚狡鶴不呼鷗公來山中不鳴道蕭家侍史傳箋慣公僕程鵬

能詩每有文字必遺渠至王粲英年掃榻留女薦王西林秀才爲記室每到清談

動移日九霄老鳳一閉關

德星久聚手難分忽唱驪歌耳怕聞  
正喜青琴同識曲何堪白髮又離羣  
一江秋水旌旗遠兩地蒼生盼想殷  
倘到大觀亭上望小倉山下有孤雲

不寐

老來最怕夜如年不是鱣魚也不眠  
苦望天明如望榜一聲明棹便欣然

孫補山相公輓詩

星拆中台朝野驚拳拳遣表見生平  
三公坐席何曾煖八十從軍慷慨行  
傳箭峨嵋苗女捧著書西域陣雲清  
公著西藏志信來借書公真不愧梅陶語  
忠慎勤勞似孔明

聖心哀感 詔纏綿 卹典重重下九天 臣力盡時雙

目暝 君恩深處萬人傳 謝元頓有孫能繼 王猛深知

子不賢

公遺表云臣子不肖願以孫襲蔭

倘見朝雲訴家難也 應東海

旱三年

愛姬沈夫人被誣冤憤先亡

五羊城下拜旌旗 衰朽曾蒙國士知 八座鳴鉦來視疾

六營飛馬替傳詩 星移白下重逢速 人去黃扉再見遲

聽說江東諸父老 至今翹首望歸期

公所出告示民聞刊刻傳觀

今春芳訊雁頻通 豈料公歸堞率宮 一勺廉泉猶在口

公贈金十笏署曰非貪泉也先生可飲

幾行哀淚又臨風 家鄉有墓西湖

重勲舊無人 北闕空

福敬齋 王同在軍中先公薨逝

安得韋丹碑十

丈 儘教杜牧寫殊功

獨坐

風滿長廊月滿庭蕭蕭獨坐一燈青常疑天上仙何在  
最恨人間鬼不靈眼看大千諸世界手持小品法華經  
秋聲何苦年年至到像衰翁耳愛聽

再示兒

山上栽花水養魚卅年沈約賦郊居書經動筆裁提要  
詩怕隨人拾唾餘三代文章無考据考据之學始于東漢一家人  
事有乘除阿通詞曲阿遲晝都替而翁補闕如余不作詞不能

送方詠菴觀察

觥觥詠菴公仁風江左宣一旦引嫌去士民俱拳拳或

爭嗅鞞鼻或思拗馬鞭僉曰昔觀察當作傳舍觀惟公甫下車恩威竟赫然無徵人不信聽我歌一篇

觀察夫何如學道始東魯國人皆曰賢君子以爲古判事重南山隨車帶甘雨公羊創邪說兄弟分母父遂有闕墻人忍將弱弟侮公訪構訟者嚴鞫加箠楚從此不軌徒聞風氣先阻明如日破黑捷若箭離弩雷霆劈鬼膽佛力馴豺虎吏從冰上行民向風前舞我知公經綸十未施三五但借寇一年此邦爲樂土

吳淞多海氛往往枹鼓響官吏不知兵遇賊膽先喪公昔攝觀察慷慨將書上某器宜設伏某港宜搖槳或駭風色行東南須辨向或練水犀軍糧薄宜加賞會哨集

我衆探巢搜彼黨未戰先習船揮戈免吐浪善事先利器  
平時修甲仗才如唐休璟萬里指諸掌勇哉灌將軍  
奮臂請親往

相國劉諸城當年擅威福公作秋曹郎升堂論刑獄元  
老一言定諸曹畫瑟縮公獨執法爭一士偏謬謬宗資  
節可畫游擊筆難曲相國爲改容盈廷嘆忠告一時朝  
士中驚看麟獨角卽此見生平肯因人碌碌

愛民先禮士手扶大雅輪鍾山有講舍多士蒙陶甄尅  
期呼鷗玉口將經義申義峩獬豸冠言厲色則溫濟濟  
青衿列聞訓書諸紳每逢宣講日相戒毋逡巡頗如弟  
子惰怕受先生噴欣沾時雨化竚見文風振惜哉桃李

樹不能長留春

公昔寓白下屢蒙詣山莊芳花生滿齒佳什披琳瑯昨  
冬乘繡幟奉命來巡防方伯陳太邱清風相激昂

方伯遂使一閱鷗得逐雙鳳鳳風月時談論治理或咨商

忽然恨分手兩賢齊啟行方伯調任皖江老我既難別更代民

思量如兒奪其乳如川移其梁恐返渡河虎更添朝飲  
羊安得吹慈雲依舊覆江鄉

駱佩香女士歸道圖

小別西王母紅塵四十年三生緣忽了一旦悟真詮洗  
手翻靈笈拖裙采妙蓮將心安放處如月放中天

入夢非非想空床只自知如何女龍寡不作蘂砧思落



筆多仙氣伊誰作導師九天元女問莫說老袁絲

題妙巾女子瓊樓倚月圖

有序

乾隆庚午蘇州詩人蔣盤漪教題納姬冊子并  
抱所生公子嬰媿出見爲賦長慶體一章載在  
集中今四十餘年矣公子縮綬皖江政聲循卓  
又以丁姬妙巾小照索題余老矣振觸舊事一  
徃情深惜子固叔姬雙雙俱至而余又遠游揚  
州不得一見故第五首及之公子名業謙字湛  
華太夫人住白蓮橋少有觀音之號

飛瓊身本住瓊樓偶到人間字莫愁誓與姮娥常見面  
夜深不肯放簾鉤

晚妝才罷倚雕楹  
月下窺園倍有情  
知是桃花知是妾  
問郎會否看分明

枉費冰人說薦蘿  
美人方寸是星河  
一逢蔣濟真才子  
便唱丁娘十索歌

姬會却富人千金之聘

生長西溪學浣紗  
一朝曉上看桑麻  
知隨潘令班春去  
壓倒河陽滿縣花

孤負雙雙駐畫輪  
衰翁偏作出山雲  
披圖喜見驚鴻影  
未識丹青肖幾分

題罷風詩笑口開  
惹儂往事上心來  
白蓮橋下觀音降  
江令當年早費才

詩塚歌

晴沙先生選詩

公選梁溪詩自漢魏以至本朝

剩稿橫堆三十尺

作何位置費商量欲焚欲棄心未決賈生闖入大叫呼  
投諸水火詩無盡盡將斷簡殘編葬當作枯骸朽骨乎  
相彼惠山下厥壤惟墳壚殮以文梓匣加以純灰塗二  
泉環流清似雪較勝水銀江海黃金窟賓賓學子來會  
葬都是鬱鬱佳城墓大夫髑髏臺點鬼簿團聚詩人無  
萬數樹槨何妨七尺高樵採應禁五十步楚些招鮑家  
唱青山夜靜聞聲響地下騷壇个个爭墳頭吟草枝枝  
長君不見 本朝顧俠君選刻元詩三百人夜夢高冠  
如箕一齊來拜謝想見名心未死不以陰陽分君今此  
舉古來寡文冢冢難方駕泥封更比紗籠尊火燒亦

不秦皇怕我欲高刊華表十丈碑大書過路詩人齊下  
馬賈生名崧

哭和希齋大司空

有序

枚與公素無一面而兩次書來云先生聖世奇才久思立雪軍中帶小倉山房全集朝夕諷咏虔等梵經又寄懷云相逢知有日天不墜文星嗚呼文星未墜將星先墜矣入十衰年非常知己而終不獲修土相見禮其能無腸若滄湯揮毫一慟耶

伯符才封 賜紫纒忽聞三楚喪元良祭遵儒將人多

愛鄧禹英年事正長不待兩階舞干羽竟將一死報

君王 聖心正是焦勞際又灑 堯天淚幾行

刻意憐才孰與同小倉詩當梵經供久思立雪言何重

未盡凌烟帳已空萬里孤臣煙瘴外三生知己夢魂中

癡心想借金靈馬，追到泉臺一見公。

過吳門有懷麗川中丞

偶泛扁舟往浙東，戟門重過意忡忡。  
高牙大纛依然在，不見詩人嚴鄭公。

一天風雪水盈盈，獨捲孤篷看月明。  
倘使公家還在此，幾番歡笑幾番迎。

秋風九月接瑤華，紙上猶飛塞外沙。  
想對天山萬重雪，還思陶令一園花。

千里相思兩鬢霜，雲峯難割九回腸。  
師丹老去渾忘事，只有恩門死不忘。

翁雲槎徐守愚王紹曾皆奇中丞侍者見余來蘇

如見故主置酒爲歡余感其憐才念舊一往情

深贈詩一章兼寄中丞

中丞曾築招賢館侍者能憐穎士才一艇偶從吳下過  
三賢齊道故人來花如相識皆含笑酒爲衝寒易舉盃  
王謝堂前舊時燕依依也繞百千回

題歸佩珊女士蘭皋覓句圖

仙人謫下瓊瑤島生長朱門讀書早寫就簪花妙格妍  
咏來柳絮清才好客春曾見行波箋詩比芙蓉出水鮮  
已把名香熏什襲還將佳句付雕鐫今來小泊申江渚  
曳杖隨風扣仙府蒙卿一見老袁絲喜上春山眉欲舞  
自言十載奉心香俠拜甘居弟子行一朶琪花天上落

也隨桃李傍門墻白頭意外蒙矜寵三日三來不停踵  
捲袖親將鳩杖扶抽簪還把茶甌捧手贈雙銖金錯刀  
更分雜佩解瓊瑤束修多是裝奩物探出羅襟香未銷  
匆匆潮落催回漿惜別牽衣情怏怏但願衰翁似白鷗  
青溪黃浦頻來往誰畫蘭皋覓句鬪仙姿蘭氣頗能摹  
何妨添箇西河叟常許朝華問字乎

題天平攬勝圖爲珊珊女弟子作

一綫盤空上天平景最清松林秋寺古峰影太湖明雲  
壓裙釵濕風吹環珮鳴詩成誰作蒼繞屋有泉聲

老我來梨里三眠寫韻樓燈殘還問字吟罷始梳頭白



髮難爲別紅妝易惹愁何當攜此卷攬勝與同遊

再展和希齋尙書手札凄然有作

焚香再讀八行書老淚盈傾眼欲枯議論儼然王者佐

胸襟肯受宋儒拘

札云宋儒之爲道拘猶士大夫之爲位拘也

因文識我真

奇士爲國亡身古丈夫底事三賢同歲去不憐一叟寸

心孤

札云讀先生詩知先生之爲人

未曾一面早心開偏在雲霄憶草萊忘却通侯爲上將

誰誇

聖世有奇才身騎箕宿天邊去魂逐倉山集上

來此日三湖連九塞金風鐵雨有餘哀

哭王西林秀才

有序

西林名汝翰其父廷泰余試童子時之案首也

西林才過其父而溺苦於學以咯血亡年才一

十六歲

曾見而翁美少時卅年又見小瓊枝老夫當作鸞雛待  
爭奈偏教鵬鳥知

殿前楊柳張思曼天上瑤金劉叔琳一旦驚風摧玉樹  
不知造化是何心

記否同眠水竹居風簷殘燭夜窻虛夢回千樹梅花下  
賭背兒時舊讀書

也曾學佛拜天尊也愛絃歌入聖門今日西天與東魯  
教人何處與招魂

文章攻苦太嫌過嘔出心肝奈爾何料得春來畫帶草

小倉山房 卷三十六 五  
年年生長募門多

輔嗣身亡最可憐  
九原辜負腹便便  
他時水月松風處  
定遇談元一少年

觀瀑

海被風吹起狂瀾  
直上天山川齊助響  
草木盡生烟點  
額初疑雨飛珠  
忽打肩何時千尺雪  
洒遍萬家田

阿道生子賦詩戲之

吾兒真不肖弱冠便呼爺  
可記兒來日而翁髻已華  
邑名勝母處曾子早回車  
何苦添丁急希圖跨竈耶

臘月十四日別蘇州還山作

出門納屨便行矣  
歸里臨期轉黯然  
不是伊桑戀三宿

只愁丁鶴別千年賓朋心惜風中燭祖餞筵開雪後天  
更有金闈女弟子牽衣捧杖倍纏綿